

Especialidade	Titulación*
	Os titulados de profesor superior terán preferencia sobre os titulados de profesor do plan do ano 1966 aínda que o baremo sexa inferior.
Frauta de pico	1º Título de profesor superior. 2º Título de profesor do plan do ano 1966 ou de acordo coas equivalencias establecidas no Real decreto 1542/1994, do 8 de xullo (BOE do 9 de agosto). Ambos os dous do instrumento correspondente.
Gaita	1º Título de profesor superior. 2º Título de profesor do plan do ano 1966 ou de acordo coas equivalencias establecidas no Real decreto 1542/1994, do 8 de xullo (BOE do 9 de agosto). Ambos os dous do instrumento correspondente.
Óboe	1º Título de profesor superior. 2º Título de profesor do plan do ano 1966 ou de acordo coas equivalencias establecidas no Real decreto 1542/1994, do 8 de xullo (BOE do 9 de agosto). Ambos os dous do instrumento correspondente.
Percusión	1º Título de profesor superior. 2º Título de profesor do plan do ano 1966 ou de acordo coas equivalencias establecidas no Real decreto 1542/1994, do 8 de xullo (BOE do 9 de agosto). Ambos os dous do instrumento correspondente.
Trombón	1º Título de profesor superior. 2º Título de profesor do plan do ano 1966 ou de acordo coas equivalencias establecidas no Real decreto 1542/1994, do 8 de xullo (BOE do 9 de agosto). Ambos os dous do instrumento correspondente.
Viola da gamba	1º Título de profesor superior. 2º Título de profesor do plan do ano 1966 ou de acordo coas equivalencias establecidas no Real decreto 1542/1994, do 8 de xullo (BOE do 9 de agosto). Ambos os dous do instrumento correspondente.

Segundo.-Prazo de solicitude.

O prazo para presentar a instancia de solicitude, na Consellería de Educación e Ordenación Universitaria ou nas súas delegacións provinciais, será de dez días naturais contados a partir do día seguinte ao da publicación deste anuncio no *Diario Oficial de Galicia*.

Terceiro.-Modelo de solicitude.

O modelo de solicitude poderá ser recollido na Consellería de Educación e Ordenación Universitaria, nas súas delegacións provinciais, e está á disposición tamén na páxina web da consellería, no enderezo [http://www.edu.xunta.es/profesorado/interinos-substitutos/convocatorias_apertura_de_listaxes_de_substitutos_servizo_de_secundaria_\(documentos_relacionados\)](http://www.edu.xunta.es/profesorado/interinos-substitutos/convocatorias_apertura_de_listaxes_de_substitutos_servizo_de_secundaria_(documentos_relacionados)).

Cuarto.-Comisión baremadora.

A asignación da puntuación que lles corresponde aos concursantes será levada a cabo por unha comisión constituída por funcionarios destinados na Consellería de Educación e Ordenación Universitaria. Esta comisión estará cualificada na categoría primeira para efectos do previsto no Decreto 144/2001, do 7 de xuño (DOG do 25 de xuño).

Poderán asistir ás reunións da comisión, con voz e sen voto, un representante por cada unha das organizacións sindicais con presenza na mesa sectorial docente non universitaria.

Quinto.-Requisitos dos candidatos:

-Estar en posesión do título especificado na base primeira.

-Acreditar o certificado de lingua galega 4 (Celga 4) ou equivalente.

Non obstante o anterior, poderán presentar solicitudes aquelas persoas que, posuíndo as titulacións sinaladas para cada especialidade, non posúan o certificado de lingua galega 4 ou equivalente. Estes candidatos poderán ser seleccionados, en defecto de candidatos deberán superar, no prazo máximo de dous anos desde que sexan nomeados, o certificado de lingua galega 4. A superación do dito certificado deberá ser comunicada á Subdirección Xeral de Persoal da Consellería de Educación e Ordenación Universitaria.

Sexto.-O baremo de acordo coa addenda asinada coos sindicatos da Mesa Sectorial Docente o 11 de xullo de 2006 será o publicado na fase de concurso do último concurso-oposición convocado no DOG.

Santiago de Compostela, 10 de outubro de 2007.

Benito Fernández Rodríguez
Secretario xeral da Consellería de Educación
e Ordenación Universitaria

Corrección de erros.-Anuncio do 11 de outubro de 2007, da Secretaría Xeral da Consellería de Educación e Ordenación Universitaria, pola que comunica a apertura dun prazo para solicitar prazas de interinidades e substitucións como profesores especialistas en ensinanzas deportivas, nas especialidades de fútbol e fútbol sala.

Advertidos erros no devandito anuncio publicado no DOG nº 202, do 18 de outubro de 2007, é necesario efectuar a seguinte modificación,

Onde di:

«-Especialidade: fútbol.

Titulación: licenciado na actividade física e o deporte ou equivalente (INEF) que teña a titulación de técnico deportivo superior en fútbol e tamén experiencia como adestrador.

-Especialidade: fútbol sala.

Titulación: licenciado na actividade física e o deporte ou equivalente (INEF) que teña a titulación de técnico deportivo superior en fútbol sala e tamén experiencia como adestrador.»

Debe dicir:

«-Especialidade: fútbol.

Titulación: licenciado na actividade física e o deporte (INEF) que teña a titulación de técnico deportivo en fútbol ou equivalente e tamén experiencia como adestrador.

-Especialidade: fútbol sala.

Titulación: licenciado na actividade física e o deporte ou equivalente (INEF) que teña a titulación de técnico deportivo en fútbol sala ou equivalente e tamén experiencia como adestrador.»